



**COLLECTIVITE TERRITORIALE DE CORSE
ASSEMBLEE DE CORSE**

1^{ère} SESSION ORDINAIRE POUR 2016

REUNION DES 14 ET 15 AVRIL

N° 2016/O1/015

**DUMAND'À BOCCA POSTA DA Mma Laura-Maria POLI
À NOME DI U GRUPPU « CORSICA LIBERA »**

OGGETTU : Partecipazione à u pianu 500 000 è finanziamentu di e furmazione destinate à quelli chì cercanu un impiegu.

Sgiò Presidente di u Cunsigliu Esecutivu,
a Cunsigliere esecutiva in carica di a furmazione,
Sgiò Cunsigliere esecutivu in carica di u sviluppu economicu,

À l'iniziativa di u nostru gruppu, una muzione concurnendu u trasferimentu à a Cullettività Territoriale di Corsica, di a competenza relativa à a furmazione di i circadori d'impiegu, hè stata depositata è aduttata à una larga magiurità durante a sessione di l'11 di marzu scorsu.

Di move l'arnesi pè riduce u numeru di disimpiegati, indegnu in tuttu di un paese cum'è u nostru cusì riccu in potenzialità.

Risponde d'altronde à u rispettu di u nostru statutu particolare chì cumanda d'adattà l'arnesi ghjuridichi à e realtà di u nostru paese.

Sta muzione privede dinù l'abilitazione di u Sgiò Presidente di l'Esecutivu à firmà ogni convenzione liata à ste dumande.

Ramintemu chì u Sgiò Presidente di a Republica Francese, Francois Hollande hà annunziatu à u titulu di e grande urientazione di u pianu d'urgenza pè l'impiegù, a messa in piazza di un pianu massimu di 500 000 azzione di furmazione in più.

Stu pianu privede d'altronde :

- di purtà in u 2016 u numeru d'azzione di furmazione à u benefiziu di e persone in cerca d'impiegù à 1 milione d'euro.
- di realizà 300 000 di ste furmazione in priurità pè i circadori d'impiegù pocu o micca qualificati.
- di preparà l'avvene per via di u sviluppu di furmazione à i nuvelli mistieri ligati à a trasizione energetica o à a trasfurmazione numerica.

Sgiò Presidente, dibattiamu durante a seduta scorsa di l'urientazione bugettarie è di a situazione finanziaria di a nostra cullettività chì deve fà fronte à una doppia custretta finanziaria.

D'una parte, a calata di e risorse pincipalmente di u Statu chì face pisà nantu à a Corsica, un prilivamentu trè volti di più altu chì a media di l'altre cullettività.

D'un altre parte, u pesu di u passivu à scrive in i nostri conti.

Da quì à pocu, ci prununzieremu nant'à u bugettu primitivu di l'esersiziu 2016, rializatu in stu quattru custrettu.

A signatura di stu partenariatu cù un inviluppu glubale d'una miliarda d'euro permetteria dunque à tempu di risponde à una ricerca di finanziamenti ma dinù d'onurà l'unu di i nostri ingaggiamenti di campagna, essendu precisatu chì u Statu s'ingagia à finanzià l'inseme di e furmazione supplementarie chè no seriamu in misura di prupone.

Dinù, puderate precisà ci chì dimarchja avete intrapresu in a prospettiva d'una signatura di stu pianu 500 000 ?

Vi ringraziau.